

Stepen provedbe imovinskih zakona u Bosni i Hercegovini dosegnuo 90 procenata

Zaključno sa krajem septembra, stepen provedbe imovinskih zakona u cijeloj Bosni i Hercegovini dosegnuo je 90 procenata.

Uredi za stambena pitanja u BiH su riješili 198.197 od ukupno 220.225 podnesenih imovinskih zahtjeva. Povećanje od 2 procenta zabilježeno je u Federaciji BiH, gdje je riješeno 90 procenata od ukupnog broja podnesenih zahtjeva, dok je u Republici Srpskoj, povećanje od 1 procenta u odnosu na mjesec august rezultiralo sa 89 procenata riješenih slučajeva. Stepenn provedbe imovinskih zakona u Distriktu Brčko ostao je na 96 procenata.

U ovom mjesecu, još devet općina pridružilo se grupi općina koje su završile sa provedbom imovinskih zakona, povećavajući taj broj na 54 općine. Proces verifikacije suštinskog završetka provedbe imovinskih zakona za ove općine je sada i formalno započeo.

Uz dodatne 34 općine u kojima je stepen provedbe iznad 95 procenata, PLIP agencije očekuju da će uskoro veći broj općina krenuti ovim putem i nastaviti sa suštinskim završetkom svih zakonskih obaveza, u skladu sa PLIP-ovim smjernicama općinama za utvrđivanje suštinskog završetka provedbe imovinskih zakona